

नमो नमो निम्मलदंसणस्स

पू. आनंद-क्षमा-ललित-सुशील-सुधर्मसागर गुरुभ्यो नमः

२१

पुष्पियाणं- दसमं

मुनि दीपरत्नसागर

Date : / / 2012

Jain Aagam Online Series-21

कमंको	अज्झयणं	सुत्तं	गाहा	अणुककमो	पिडुंको
१	पढमं-चंदे	१-	१-	१-३	२
२	बीअं-सूरे	२-	-	४-	३
३	तइयं-सुक्के	३-	२-	५-७	३
४	चउत्थं-बहुपुत्तिया	४-	-	८-	७
५	पंचमं-पुन्नभद्वे	५-	-	९-	१३
६	छट्ठं-माणिभद्वे	६.१-	-	१०-	१४
७	सत्तमं (जाव) दसमं	६-	-	११-	१४

२१

पुप्फियाणं- दसमं उवंगसुत्तं

० पढमं अज्झयणं- चंदे ०

[१] जइ णं भंते! समणेणं भगवया महावीरेणं जाव संपत्तेणं उवंगाणं दोच्चस्स वग्गस्स कप्पवडिंसियाणं अयमद्वे पन्नत्ते तच्चस्स णं भंते! वग्गस्स उवंगाणं पुप्फियाणं के अद्वे पन्नत्ते एवं खलु जंबू समणेणं भगवया महावीरेणं जाव संपत्तेणं उवंगाणं तच्चस्स वग्गस्स पुप्फियाणं दस अज्झयणा पन्नत्ता तं जहा:- ।

[२] चंदे सूरै सुक्के बहुपुत्तिय पुण्ण-माणिभद्वे य ।

दत्ते सिवे बले य अणादिए चेव बोद्धवे ॥

[२] जइ णं भंते! समणेणं भगवया महावीरेणं जाव संपत्तेणं पुप्फियाणं दस अज्झयणा पन्नत्ता, पढमस्स णं भंते! अज्झयणस्स पुप्फियाणं समणेणं भगवया महावीरेणं जाव संपत्तेणं के अद्वे पन्नत्ते ? एवं खलु जंबू! तेणं कालेणं तेणं समएणं रायगिहे नामं नयरे, गुणसिए चेइए, सेणिए राया, तेणं कालेणं तेणं समएणं सामी समोसदे, परिसा निग्गया, तेणं कालेणं० चंदे जोइसिंदे जोइसराया चंदवडिंसिए विमाणे सभाए सुहम्माए चंदंसि सीहासणंसि चउहिं सामाणियसाहस्सीहिं जाव विहरइ ।

इमं च णं केवलकप्पं जंबुद्वीवे दीवं विउलेणं ओहिणा आभोएमाणे-आभोएमाणे पासइ पच्छा समणं भगवं महावीरं जहा सूरियाभे आभियोगं देवं सद्धावेत्ता जाव सुरिंदाभिगमनजोग्गं करेत्ता तमाणत्तियं पच्चप्पिणंति सूसरा घंटा जाव विउव्वणा, नवरं- जाणविमाणं जोयणसहस्सविच्छिन्नं अद्धतेवद्वि-जोयणमूसियं महिंदज्झओ पणुवीसं जोयणमूसिओ, सेसं जहा सूरियाभस्स जाव आगओ नट्टविही तहेव पडिगओ ।

भंते! त्ति भगवं गोयमे समणं भगवं महावीरं पुच्छा, कूडागारसाला दिट्ठंतो सरीरं अनुपविट्ठा, पुव्वभवो एवं खलु गोयमा! तेणं कालेणं तेणं समएणं सावत्थी नामं नयरी होत्था, कोट्टए चेइए, तत्थ णं सावत्थीए नयरीए अंगई नामं गाहावई होत्था-अड्ढे जाव अपरिभूए, तए णं से अंगई गाहावई सावत्थीए नयरीए बहूणं नगर निगम जहा आनंदो,

तेणं कालेणं तेणं समएणं पासे णं अरहा पुरिसादानीए आइगरे जहा महावीरो नवुस्सेहे सोलसहिं समणसाहस्सीहिं अट्ठतीसाए अज्जियासाहस्सीहिं जाव कोट्टए समोसदे, परिसा निग्गया,

तए णं से अंगई गाहावई इमीसे कहाए लद्धद्वे समाणे हट्ठतुट्ठे जहा कत्तिओ सेट्ठी निग्गच्छइ जाव पज्जुवासइ, धम्मं सोच्चा निसम्म जं नवरं-देवाणुप्पिया! जेट्ठपुत्तं कुडुंबे ठावेमि तए णं अहं देवाणुप्पियाणं अंतिए मुंडे भवित्ता अगाराओ अणगारियं पव्वयामि, जहा गंगदत्तो तहा पव्वइए, अनगारे जाए- इरियासमिए जाव गुत्तबंभयारी,

तए णं से अंगइ अनगारे पासस्स अरहओ तहारूवाणं थेराणं अंतिए सामाइय-माइयाइं एक्कारस अंगाइं अहिज्जइ अहिज्जित्ता बहूहिं चउत्थ जाव भावेमाणे बहूइं वासाइं सामण्णं परियागं

पाउणइ पाउणित्ता अद्धमासियाए संलेहणाए तीसं भत्ताइं अणसणाए छेदित्ता किंचि विराहियामण्णे कालमासे कालं किच्चा चंदवडिंसए विमाणे उववातसभाए देवसयणिज्जंसि देवदूसंतरिया चंदजोइसिंदत्ताए उववन्ने तए णं से चंदे जोइसिंदे जोइसराया अहुणोववन्ने समाणे पंचविहाए पज्जत्तीए पज्जत्ती भावं गच्छइ, तं जहा-आहारपज्जत्तीए जाव भासमण-पज्जत्तीए० भावेमाणे विहरइ ।

चंदस्स णं भंते! जोइसिंदस्स जोइसरण्णो केवइयं कालं ठिई पन्नत्ता ? गोयमा! पत्तिओवमं वाससयसहसस्मभहियं, एवं खलु गोयमा! चंदस्स जोइसिंदस्स जोइसरण्णो सा दिव्वा देविड्ढी० ।

चंदे णं भंते! जोइसिंदे जोइसराया ताओ देवलोगाओ आउक्खएणं भवक्खएणं ठिइक्खएणं चयं चइत्ता कहिं गच्छिहिइ कहिं उववज्जिहिइ ? गोयमा! महाविदेहे वासे जाइं कुलाइं० तओ पच्छा संसार भउव्विग्गे सामन्नं पडिवज्जइ, कम्मं खवेइ, तओ सिज्झिहिइ, एवं खलु जंबू! समणेणं भगवया महावीरेणं पुप्फियाणं पढमस्स अज्झयणस्स अयमद्वे पन्नत्ते, त्ति बेमि ।

० बीअं अज्झयणं-सूरे ०

[४] जइ णं भंते! समणेणं भगवया महावीरेणं जाव संपत्तेणं पुप्फियाणं पढमस्स अज्झयणस्स जाव अयमद्वे पन्नत्ते, दोच्चस्स णं भंते! अज्झयणस्स पुप्फियाणं समणेणं भगवया जाव संपत्तेणं के अद्वे प० ? एवं खलु जंबू! तेणं कालेणं तेणं समएणं रायगिहे नामं नयरे, गुणसिलए चेइए, सेणिए राया, समोसरणं जहा चंदो तहा सूरुवि आगओ जाव नट्टविहिं उवदंसित्ता पडिगओ,

पुव्वभवपुच्छा, सावत्थी नयरी, कोट्टए चेइए, सुपइद्वे नामं गाहावई होत्था- अद्वे जहेव अंगई जाव विहरइ, पासो समोसढो, जहा अंगई तहेव पव्वइए, तहेव विराहियसामण्णे जाव महाविदेहे वासे सिज्झिहिइ जाव अंतं करेहिइ । एवं खलु जंबू! समणेणं भगवया महावीरेणं दोच्चस्स अज्झयणस्स अयमद्वे पन्नत्ते, त्ति बेमि ।

० तइयं अज्झयणं-सुक्कं ०

[५] जइ णं भंते! समणेणं भगवया महावीरेणं जाव संपत्तेणं उक्खेवओ भाणियव्वो, रायगिहे नयरे, गुणसिलए चेइए, सेणिए राया, सामी समोसढे, परिसा निग्गया ।

तेणं कालेणं तेणं समएणं सुक्के महग्गहे सुक्कवडिंसए विमाणे सुक्कंसि सीहासणंसि चउहिं सामाणियसाहस्सीहिं जहेव चंदो तहेव आगओ नट्टविहिं उवदंसित्ता पडिगओ, भंते! त्ति भगवं गोयमे समणं भगवं महावीरं पुच्छा, कूडागारसाला दिट्ठंतो, पुव्वभवपुच्छा ।

एवं खलु गोयमा! तेणं कालेणं तेणं समएणं वाणारसी नामं नयरी होत्था, तत्थ णं वाणारसीए नयरीए अंबसाल वने, सोमिले नामं माहणे परिवसइ अद्वे जाव अपरिभूए रिउव्वेय जाव बहूसु बंभण्णेसु य सत्थेसु सुपरिनिट्टिए, पासे समोसढे, परिसा पज्जुवासइ, तए णं तस्स सोमिलस्स माहणस्स इमीसे कहाए लद्धस्स समाणस्स इमे एयारूवे अज्झत्थिए जाव एवं खलु पासे अरहा पुरिसादानीए पुव्वाणुपुव्विं जाव अंबसालवने विहरइ, तं गच्छामि णं पासस्स अरहओ अंतिए पाउब्भवामि, इमाइं च णं एयारूवाइं अट्ठाइं हेउइं जहा पन्नत्तिए सोमिलो निग्गतो खंडिय विहुणो जाव एवं वयासी- जत्ता ते भंते! जवणिज्जं च ते भंते! पुच्छा सरिसवया मासा कुलत्था एगे भवं जाव संबुद्धे सावगधम्मं पडिवज्जित्ता पडिगए ।

तए णं पासे अरहा अन्नया कयाइ वाणारसीओ नयरीओ अंबसालवणाओ चेइयाओ पडिनिक्खमइ पडिनिक्खमित्ता बहिया जनवयविहारं विहरइ, तए णं से सोमिले माहणे अन्नया कयाइ असाहुदंसणेण य अपज्जुवासणयाए य मिच्छत्तपज्जवेहिं परिवड्ढमाणेहिं सम्मत्तपज्जवेहिं परिहायमाणेहिं मिच्छत्तं विप्पडिवण्णे, तए णं तस्स सोमिलस्स माहणस्स अन्नया कयाइ पुव्वरत्तावरत्तकालसमयंसि कुडुंबजागरियं जागरमाणस्स अयमेयारूवे अज्झत्थिए जाव समुप्पज्जित्था- एवं खलु अहं वाणारसीए नयरीए सोमिले नामं माहणे अच्चंतमाहण-कुलप्पसूए तए णं मए वयाइं चिण्णाइं, वेदा य अहीया, दारा परिणीया, गब्भा आहूया, पुत्ता जणिता, इड्ढीओ समाणीयाओ पसुवधा कया जन्ना जेद्वा दक्खिणा दिन्ना अतिही पूजिता अग्गी हूया जूवा निक्खित्ता तं सेयं खलु मम इयाणिं कल्लं पाउप्पभायाए रयणीए जाव उट्ठियंमि सूरे सहस्सरस्सिंमि दिनयरे तेयसा जलंते वाणारसीए नयरीए बहिया बहवे अंबारामे य माउलिंगारामे य बिल्लारामे य कविट्ठारामे य चिंचारामे य पुप्फारामे य रोवावित्ते ।

एवं संपेहेइ संपेहेत्ता कल्लं पाउप्पभायाए जाव पुप्फारामे य रोवावेइ, तए णं बहवे अंबारामा य जाव पुप्फारामा य अनुपुव्वेणं सारक्खिज्जमाणा संगोविज्जमाणा संविड्ढज्जमाणा आराम जाया-किण्हा किण्होभासा जाव रम्मा महा-मेहनिकुरंबभूया पत्तिया पुप्फिया फलिया हरियगरेज्जिमाणसिरीया अईव-अईव उवसोभेमाणा चिट्ठंति, तए णं तस्स सोमिलस्स माहणस्स अन्नया कयाइ पुव्वरत्तावरत्तकालसमयंसि कुडुंब जागरियं जागरमाणस्स अयमेयारूवे अज्झत्थिए जाव समुप्पज्जित्था-एवं खलु अहं वाणारसीए नयरीए सोमिले नामं माहणे अच्चंतमाहण कुलप्पसूए तए णं मए वयाइं चिण्णाइं जाव जूवा निक्खित्ता तए णं मए वाणारसीए नयरीए बहिया बहवे अंबारामा जाव पुप्फारामा य रोवविया तं सेयं खलु ममं इयाणिं कल्लं पाउप्पभायाए रयणीए जाव उट्ठियंमि सूरे सहस्सरस्सिंमि दिनयरे तेयसा जलंते सुबहुं लोहकडाकडुच्छुयं तंबियं तावसभंडं घडावेत्ता विउलं असणं जाव साइमं उवक्खडावेत्ता मित्त-नाइ आमंतित्ता तं मित्तनाइ० विउलेणं असनं जाव सम्माणेत्ता तस्सेव मित्त-नाइ० पुरओ जेड्ढपुत्तं कुडुंबे ठावेत्ता तं मित्तनाइ० जेड्ढपुत्तं च आपुच्छित्ता सुबहुं लोहकडाहकडुच्छुयं तंबियं तावसभंडं गहाय जे इमे-

गंगाकूला वाणपत्था तावसा भवंति लोहकडाहकडुच्छुयं तंबियं तावसभंडं गहाय जे इमे गंगाकूला वाणपत्था तावसा भवंति तं जहा-होत्तिया पोत्तिया कोत्तिया जण्णई सड्ढई थालई हुंबउट्ठा दंतुक्खलिया उम्मज्जगा संमज्जगा निमज्जगा संपक्खालगा दक्खिणकूला उत्तरकूला संखधमा कूलधमा मियलुद्धा हत्थितावसा उट्ठंडगा दिसापोकखिणो वक्कवासिणो बिलवासिणो जलवासिणो रुक्खमूलिया अंबुभक्खिणो वाउभक्खिणो सेवालभक्खिणो मूलाहारा कंदाहारा तयाहारा पत्ताहारा पुप्फाहारा फलाहारा बीयाहारा परिसडिय-कंद-मूल-तय-पत्त-पुप्फ-फलाहारा जलाभिसेयकट्ठिण-गायभूया आयावणाहिं पंचग्गिहतावेहिं इंगालसोल्लियं कंदुसोल्लियं कट्ठसोल्लियं पिव अप्पाणं करेमाणा विहरंति तत्थ णं जे ते दिसापोकखिया तावसा तेसिं अंतिए दिसापोकखिय तावसत्ताए पव्वइत्तए,

पव्वइएऽवि य णं समाणे इमं एयारूवं अभिग्गहं अभिगिण्हिस्सामि कप्पइ- मे जावज्जीवाए छट्ठंछट्ठेणं अनिक्खित्तेणं दिसाचक्कवालेणं तवोकम्मणं उड्ढं बाहाओ पगिज्झिय पगिज्झिय सूराभिमुहस्स आयावणभूमीए आयावेमाणस्स विहरित्ते त्तिकट्ठु एवं संपेहेइ संपेहेत्ता कल्लं जाव जलंते

सुबहुं लोह जाव दिसापोकखयतावसत्ताए पव्वइए, पव्वइए वि य णं समाणे इमं एयारुवं अभिग्गहं
अभिगिण्हित्ता पढमं छट्ठकखमणं उवसंपज्जित्ता णं विहरइ, तए णं सोमिले माहणरिसी पढमछट्ठकखमण-
अज्झयणं-३

पारणगंसि आयावणभूमिओ पच्चोरुहइ पच्चोरुहित्ता वागलवत्थनियत्थे जेणेव सए उडए तेणेव उवागच्छइ,
उवागच्छित्ता किट्ठिण-संकाइयं गेण्हइ गेण्हित्ता पुरत्थिमं दिसि पोकखेइ पुरत्थिमाए दिसाए
सोमे महाराया पत्थाणे पत्थियं अभिरक्खउ सोमिलमाहणरिसि-अभिरक्खत्ता सोमिलमाहणरिसिं जाणि य
तत्थ कंदाणि य मूलाणि य तयाणि य पत्ताणि य पुप्फाणि य फलाणि य बीयाणि य हरियाणि य ताणि
अनुजाणउ त्तिकट्ठु पुरत्थिमं दिसं पसरइ पसरित्ता जाणि य तत्थ कंदाणि य जाव हरियाणि य ताइं
गेण्हइ गेण्हित्ता किट्ठिण संकाइयं भरेति भरेत्ता दब्भे य कुसे य पत्तामोडं च समिहाओ य कट्ठाणि य
गेण्हति गेण्हित्ता जेणेव सए उडए तेणेव उवागच्छइ उवागच्छित्ता किट्ठिण-संकाइयं ठवेइ ठवेत्ता वेदिं
वड्ढेइ वड्ढेत्ता उवलेवणसमंज्जणं करेइ करेत्ता दब्भकलसहत्थगए जेणेव गंगा महानई तेणेव उवागच्छइ
उवागच्छित्ता गंगं महानइं ओगाहइ ओगाहित्ता जलमज्जणं करेइ करेत्ता जलाभिसेयं करेइ करेत्ता
जलकिड्डं करेइ करेत्ता आयंते चोक्खे परमसुइभूए देवपिउकयकज्जे दब्भकलसहत्थगए गंगाओ महानईओ
पच्चुत्तरइ पच्चुत्तरित्ता जेणेव सए उडए तेणेव उवागच्छइ उवागच्छित्ता दब्भे य कुसे य वालुयाए य
वेदिं रणइ रणत्ता सरयं करेइ करेत्ता अरणिं करेइ करेत्ता सरणं अरणिं महेइ महेत्ता अग्गिं पाडेइ
पाडेत्ता अग्गिं संधुक्केइ संधुक्केत्ता समिहाकट्ठाणि पक्खिवइ पक्खिवित्ता अग्गिं उज्जालेइ उज्जालेत्ता
अग्गिस्स दाहिणे पासे सत्तंगाइं समादहे [तं जहा] ।

[६] सकथं वक्कलं ठाणं सेज्जभंडं कमंडलुं ।

दंडदारु तहप्पाणं अहे ताइं समादहे ॥

[७] महुणा य धएणं य तंदुलेहि य अग्गिं हुणइ, चरुं साहेइ साहेत्ता बलिं वड्ढस्सदेवं करेइ
करेत्ता अतिहियपूयं करेइ करेत्ता तओ पच्छा अप्पणा आहारं आहारेइ, तए णं से सोमिले माहणरिसी
दोच्चं छट्ठकखमणपारणगंसि तं चेव सव्वं भाणियव्वं जाव आहारं आहारेइ । नवरं इमं नाणत्तं दाहिणाए
दिसाए जमे महाराया पत्थाणे पत्थिउं अभिरक्खउ सोमिलं माहणरिसिं जाणि य तत्थ कंदाणि य जाव
अणुजाणउ त्तिकट्ठु दाहिणं दिसिं पसरति, एवं पच्चत्थिमेणं वरुणे महाराया जाव पच्चत्थिमं दिसिं
पसरति, उत्तरेणं वेसमणे महाराया जाव उत्तरंदिसिं पसरति, पुव्वदिसागमेणं चत्तारि वि दिसाओ
भाणियव्वाओ जाव आहारं आहारैति,

तए णं तस्स सोमिलमाहणरिसिस्स अन्नया कयाइ पुव्वरत्तावरत्तकालसमयंसि अनिच्च-
जागरियं जागरमाणस्स अयमेयारुवे अज्झत्थिए जाव समुप्पज्जित्था-एवं खलु अहं वाणारसीए नयरीए
सोमिले नामं माहणरिसी अच्चंतमाहणकुलप्पसूए, तए णं मए वयाइं चिण्णाइं जाव जूवा निक्खित्ता, तए
णं मए वाणारसीए जाव पुप्फारामा य रोविया, तए णं मए सुबहुं लोए जाव धडावेत्ता जाव जेड्ढपुत्तं कुडुं
ठवेत्ता जाव जेड्ढपुत्तं आपुच्छित्ता सुबहुं लोह जाव गहाय मुंडे भवित्ता० पव्वइए, पव्वइए वि य णं
समाणे छट्ठंछट्ठेणं जाव विहरिए तं सेयं खलु ममं इयाणि कल्लं जाव जलंते बहवे तावसे दिट्ठभट्ठे य
पुव्वसंगइए य परियायसंगइए य आपुच्छित्ता आसमसंसियाणि य बहूइं सत्तसयाइं अनुमानइत्ता
वागलवत्थनियत्तस्स किट्ठिण-संकाइय-गहित-संभंडोवगरणस्स कट्ठमुद्दाए मुहं बंधित्ता उत्तरदिसाए
उत्तराभिमुहस्स महप्पत्थाणं पत्थाइत्तए ।

एवं संपेहेइ संपेहेत्ता कल्लं जाव जलंते बहवे तावसे य दिद्वाभट्टे य पुव्वसंगतीते य तं चेव जाव कट्ठमुद्दाए मुहं बंधइ बंधित्ता अयमेयारूवं अभिग्गहं अभिगिण्हइ- जत्थेव णं अहं जलंसि वा अज्झयणं-३

थलंसि वा दुग्गंसि वा निन्नंसि वा पव्वयंसि वा विसमंसि वा गड्डाए वा दरीए वा पक्खलेज्ज वा पवडेज्ज वा नो खलु मे कप्पइ पच्चुट्ठित्तए त्तिकट्ठु अयमेयारूवे अभिग्गहं अभिगिण्हइ उत्तराए दिसाए उत्तराभिमुहे महपत्थाणं पत्थिए,

तए णं से सोमिले माहणरिसी पच्चावरण्हकालसमयंसि जेणेव असोगवरपायवे तेणेव उवागए असोगवरपायवस्स अहे किट्ठिय-संकाइयं ठवेइ ठवेत्ता वेदिं वड्ढेइ वड्ढेत्ता उवलेवण-संमज्जणं करेइ करेत्ता दब्भकुसहत्थगए जेणेव गंगा महानई जहा सिवो जाव गंगाओ महानईओ पच्चुत्तरइ पच्चुत्तरित्ता जेणेव असोगवरपायवे तेणेव उवागच्छइ उवागच्छित्ता दब्भेहि य कुसेहि य वालुयाए य वेदिं रएइ रएत्ता सरगं करेइ करेत्ता जाव बलिं वइस्सदेवं करेइ करेत्ता कट्ठमुद्दाए मुहं बंधइ बंधित्ता तुसिणीए संचिद्धइ ।

तए णं तस्स सोमिलमाहणरिसिस्स पुव्वरत्तावरत्तकालसमयंसि एगे देवे अंतियं पाउब्भूए, तए णं से देवे सोमिलं माहणं एयं वयासी- हं भो! सोमिलमाहणा! पव्वइया दुप्पवइयं ते, तए णं से सोमिले तस्स देवस्स दोच्चंपि तच्चंपि एयमट्ठं नो आढाइ नो परिजाणइ जाव तुसिणीए संचिद्धइ, तए णं से देवे सोमिलेणं माहणरिसिणा अणाढाइज्जमाणे० जामेव दिसिं पाउब्भूए तामेव दिसिं पडिगए, तए णं से सोमिले कल्लं पाउप्पभायाए रयणीए जाव जलंते वागलवत्थनियत्थे किट्ठिण-संकाइय-गहियग्गिहोत्त-भंडोवगरणे कट्ठमुद्दाए मुहं बंधइ बंधित्ता उत्तराभिमुहे संपत्थिए, तए णं से सोमिले बिइयदिवसंमि पच्चावरण्हकालसमयंसि जेणेव सत्तिवन्ने तेणेव उवगाए सत्तिवण्णस्स अहे किट्ठिण-संकाइयं ठवेइ ठवेत्ता वेदिं वड्ढेइ जहा असोगवरपायवे जाव अग्गिं हुणइ कट्ठमुद्दाए मुहं बंधइ तुसिणीए संचिद्धइ ।

तए णं तस्स सोमिलस्स पुव्वरत्तावरत्तकाले एगे देवे अंतियं पाउब्भूए, तए णं से देवे अंतलिक्खपडिवण्णे जहा असोगवरपायवे जाव पडिगए, तए णं से सोमिले कल्लं जाव जलंते वागल वत्थनियत्थे कट्ठिण संकाइय गेण्हत्ति गेण्हत्ति गेण्हित्ता कट्ठ मुद्दाए मुहं बंधंति, बंधित्ता उत्तरदिसाए उत्तराभिमुहे संपत्थिए तए णं से सोमिले तइयदिवसंमि पच्चावरण्हकालसमयंसि जेणेव असोगवरपायवे तेणेव उवागच्छइ उवागच्छित्ता असोगवरपायवस्स अहे किट्ठिण-संकाइयं ठवेइ ठवेत्ता वेदिं वड्ढेइ जाव गंगाओ महानईओ पच्चुत्तराइ पच्चुत्तरित्ता जेणेव असोगवरपायवे तेणेव उवागच्छइ उवागच्छित्ता वेदिं रएइ रएत्ता कट्ठमुद्दाए मुहं बंधइ बंधित्ता तुसिणीए संचिद्धइ ।

तए णं तस्स सोमिलस्स पुव्वरत्तावरत्तकाले एगे देवे अंतियं पाउब्भूए तं चेव भणइ जाव पडिगए, तए णं से सोमिले कल्लं पाउप्पभायाए रयणीए० जाव उत्तराभिमुहे संपत्थिए, तए णं से सोमिले चउत्थिदिवसंमि पच्चावरण्ह-कालसमयंसि जेणेव वडपायवे तेणेव उवागए वडपायवस्स अहे किट्ठिण-संकाइयं ठवेत्ता वेदिं वड्ढेइ उवलेवण संमज्जणं करेइ जाव कट्ठमुद्दाए मुहं बंधइ तुसिणीए संचिद्धइ ।

तए णं तस्स सोमिलस्स पुव्वरत्तावरत्तकाले एगे देवे अंतियं पाउब्भूए तं चेव भणइ जाव पडिगए, तए णं से सोमिले कल्लं पाउप्पभायाए रयणीए० जाव उत्तराभिमुहे संपत्थिए, तए णं से सोमिले पंचमदिवसंमि पच्चावरण्हकालसमयंसि जेणेव उंबरपायवे तेणेव उवागच्छइ उंबरपायवस्स अहे किट्ठिण-संकाइयं ठवेइ जाव कट्ठ मुद्दाए मुहं बंधंति जाव तुसिणीए संचिद्धइ ।

तए णं तस्स सोमिलमाहणस्स पुव्वरत्तावरत्तकाले एगे देवे जाव एवं वयासी- हं भो!
सोमिला! पव्वइया दुप्पव्वइयं ते पढमं भणइ तहेव तुसिणीए संचिद्धइ, देवो दोच्चंपि तच्चंपि वदइ सोमिला
पव्वइया दुप्पव्वइयं ते, तए णं से सोमिले तेणं देवेणं दोच्चंपि तच्चंपि एवं वुत्ते समाणे तं देवं
अज्झयणं-३

एवं वयासी कहं णं देवाणुप्पिया! मम दुप्पव्वइयं ? तए णं से देवे सोमिलं माहणं एवं वयासी-

एवं खलु देवाणुप्पिया तुमं पासस्स अरहओ पुरिसादानीयस्स अंतियं पंचाणुव्वइए
सत्तसिक्खावइए दुवालसविहे सावगधम्मं पडिवन्ने तए णं तव अन्नया कयाइं असाहुदंसणेणं
पुव्वरत्तावरत्तकालसमयंसि कुडुंबजागरियं जागरमाणस्स जाव पुव्वचित्तियं देवो उच्चारइ जाव जेणेव
असोगवरपायवे तेणेव उवागच्छसि उवागच्छित्ता किट्ठिण-संकाइयं जाव तुसिणीए संचिद्धसि तए णं अहं
पुव्वरत्तावरत्तकाले तव अंतियं पाउब्भवामि हं भो सोमिला! पव्वइया दुप्पव्वइयं ते तह च्येव देवो निरवयं
भणइ जाव पंचमदिवसंमि पच्चावरण्हकालसमयंसि जेणेव उंबरपायवे तेणेव उवागए किट्ठिण-संकाइयं
ठवेसि वेदिं वड्ढेसि उवलेवण-संमज्जणं करेसि करेत्ता कड्डमुद्दाए मुहं बंधेसि बंधेत्ता तुसिणीए संचिद्धसि तं
एवं खलु देवाणुप्पिया तव दुप्पव्वइयं ।

तते णं से सोमिले तं देवं एवं वयासि कहं णं देवाणुप्पिया! मम सुप्पव्वइत्तं ? तए णं से
देवे सोमिलं एवं वयासि- जइ णं तुमं देवाणुप्पिया इयाणिं पुव्वपडिवण्णाइं पंच अनुव्वयाइं सयमेव
उवसंपज्जित्ता णं विहरसि तो णं तुब्भं इयाणिं सुपव्वइयं भवेज्जा, तए णं से देवे सोमिलं वंदइ नमंसइ
वंदित्ता नमंसित्ता जामेव दिसिं पाउब्भूए तामेव दिसिं पडिगए, तए णं से सोमिले माहणरिसी तेणं देवेणं
एवं वुत्ते समाणे पुव्वपडिवण्णाइं पंच अनुव्वयाइं सयमेव उवसंपज्जित्ता णं विहरइ,

तए णं से सोमिले बहूहिं चउत्थ-छड्डुड्डम जाव मासद्धमास खमणेहिं विचित्तेहिं तवोवहाणेहिं
अप्पाणं भावेमाणे बहूइं वासाइं समणोवासगपरियागं पाउणइ पाउणित्ता अद्धमासियाए संलेहणाए अत्ताणं
झूसेइ झूसेत्ता तीसं भत्ताइं अणसणाए छेदेइ छेदेत्ता तस्स ठाणस्स अनालेइयपडिक्कंते विराहियसम्मत्ते
कालमासे कालं किच्चा सुक्कवडिंसए विमाने उववायसभाए देवसयणिज्जंसि जाव ओगाहणाए
सुक्कमहग्गहत्ताए उववन्ने, तए णं से सुक्के महग्गहे अहुणोववन्ने समाणे जाव भासमणपज्जत्तीए
पज्जत्तभावं गए, एवं खलु गोयमा! सुक्केणं महग्गेणं सा दिव्वा जाव अभिसमन्नागए एगं पलिओवमं
ठिई, सुक्के णं भंते! महग्गहे ताओ देवलोगाओ आउक्खएणं कहिं गच्छिहिइ ? गोयमा! महाविदेहे वासे
सिज्झिहिइ जाव सव्वदुक्खाणमंतं काहिइ एवं खलु जंबू० समणेणं निक्खेवो० त्ति बेमि ।

० चउत्थं अज्झयणं-बहुपुत्तिया ०

[८] जइ णं भंते! उक्खेवओ० एवं खलु जंबू तेणं कालेणं तेणं समएणं रायगिहे नामं नयरे,
गुणसिलए चेइए, सेणिए राया, सामी समोसढे, परिसा निग्गया, तेणं कालेणं तेणं समएणं बहुपुत्तिया देवी
सोहम्मं कप्पे बहुपुत्तिए विमाने सभाए सुहम्मए बहुपुत्तियंसि सीहासनंसि चउहिं सामाणियसाहस्सीहिं
चउहिं महत्तरियाहिं जहा सूरियाभे जाव भुंजमाणी विहरइ,

इमं च णं केवलकप्पं जंबुद्वीवं दीवं विउलेणं ओहिणा आभोएमाणी-आभोएमाणी पासइ
पच्छा समणं भगवं महावीरं जहा सूरियाभो जाव नमंसित्ता सीहासनवरंसि पुरत्थाभिमुहा संनिसण्णा
आभिओगा जहा सूरियाभस्स सूसरा घंटा, आभिओगं देवं सद्दावेइ, जाण विमाणं वण्णओ जाव उत्तरिल्लेणं

निज्जाण-मग्गेणं जोयणसाहस्सिएहिं विग्गहेहिं तहा आगया जहा सूरियाभो, धम्मकहा समत्ता, तए णं सा बहुपुत्तिया देवी दाहिणं भुयं पसारेइ- देवकुमाराणं अट्ठसयं देवकुमारियाण य वामाओ भुयाओ अट्ठसयं तयानंतरं च णं बहवे दारगा य दारियाओ य डिंभए य डिंभियाओ य विउव्वइ, नट्ठविहिं जहा सूरियाभो अज्झयणं-४

उवदंसित्ता पडिगया, भंते! त्ति भगवं गोयमे समणं भगवं महावीरं वंदइ नमंसइ० कूडागारसाला दिट्ठतो, बहुपुत्तियाए णं भंते! देवीए सा दिव्वा देविट्ठी पुच्छा जाव अभिसमन्नागया ?।

एवं खलु गोयमा! तेणं कालेणं तेणं समएणं वाणारसी नामं नयरी, अंबसालवने चेइए, तत्थ णं वाणारसीए नयरीए भद्रे नामं सत्थवाहे होत्था, अइडे जाव अपरिभूए, तस्स णं भदस्स सुभद्धा नामं भारिया सूमाला वंझा अवियाउरी जानुकोप्परमाया यावि होत्था, तए णं से सुभद्धाए सत्थवाहीए अन्नया कयाइ पुव्वरत्तावरत्तकालसमयंसि कुडुंबजागरियं० इमेयारुवे जाव संकप्पे समुप्पज्जित्था- एवं खलु अहं भद्रेणं सत्थवाहेणं सद्धिं विउलाइं भोगभोगाइं भुंजमाणी विहरामि, नो चेव णं अहं दारगं वा दारियं वा पयामि, तं धन्नाओ णं ताओ अम्मयाओ सुलद्धे जाव णं तासिं अम्मयाणं मणुए जम्मजीवियफले जासिं मन्ने नियगकुच्छिसंभूयगाइं थणदुद्धलुद्धगाइं महरसमुल्लावगाणि मंजुलमम्मणपजंपियाणि थणमूला कक्ख- देसभागं अभिसरमाणाणि पण्हयं पियंति, पुणो य कोमलकमलोवमेहिं हत्थेहिं गिण्हिऊणं उच्छंग- निवेसियाणि देंति समुल्लवाए सुमहुरे पुणो-पुणो मंजुलमम्मणप्पभणिए अहं णं अधन्ना अपुन्ना अकय- पुण्णा एत्तो एगमवि न पत्ता ओहय जाव झियाइ ।

तेणं कालेणं तेणं समएणं सुव्वयाओ णं अज्जाओ इरिया समियाओ भासा समियाओ एसणा समियाओ आयाण-भंडमत्त-निकखेवणा समियाओ उच्चार-पासवण-खेलजल्ल-सिंघाण-पारिद्धावणिया समियातो मण गुत्ताओ वय गुत्ताओ काय गुत्ताओ गुत्तिंदियाओ गुत्तबंभचारिणीओ बहुस्सुयाओ बहुपरियाराओ पुव्वाणुपुत्विं चरमाणीओ गामाणुगामं दूइज्जमाणीओ जेणेव वाणारसी नयरी तेणेव उवागयाओ अहापडिरूवं उग्गहं उग्गिण्हिता संजमेण तवसा जाव विहरंति, तए णं तासिं सुव्वयाणं अज्जाणं एगे संघाडए वाणारसीए नयरीए उच्चनीयमज्झिमाइं कुलाइं घरसमुदानस्स भिक्खायरियाए अडमाणे भदस्स सत्थवाहस्स गिहं अनुपविट्ठे ।

तए णं सा सुभद्धा सत्थवाही ताओ अज्जताओ एज्जमाणीओ पासइ पासित्ता हट्ठतुट्ठा खिप्पामेव आसनाओ अब्भुट्ठेइ अब्भुट्ठेत्ता सत्तट्ठपयाइं अनुगच्छइ अनुगच्छित्ता वंदइ नमंसइ नमंसित्ता विउलेणं असनपानखाइमसाइमेणं पडिलाभित्ता एवं वयासी- एवं खलु अहं अज्जाओ! भद्रेणं सत्थवाहेणं सद्धिं विउलाइं भोग-भोगाइं भुंजमाणी विहरामी, नो चेव णं अहं दारगं वा दारियं वा पयामि, तं धन्नाओ णं ताओ अम्मयाओ जाव एत्तो एगमवि न पत्ता तं तुब्भे णं अज्जाओ बहुणायाओ बहुपट्ठियाओ बहूणि गामागर नगर जाव सण्णिवेसाइं आहिंडह बहूणं राईसर तलवर-जाव सत्थवाहप्पभिइणं गिहाइं अनुपविसइ, अत्थि से केइ कहिं चि विज्जापओए वा मंतप्पओए वा वमनं वा विरेयणं वा वत्थिकम्मं वा ओसहे वा भेसज्जे वा उवलद्धे जेणं अहं दारगं वा दारियं वा पयाएज्जा ?

तए णं ताओ अज्जाओ सुभद्धं सत्थवाहिं एवं वयासी- अम्हे णं देवाणुप्पिए! समणीओ निग्गंथीओ इरियासमियाओ जाव गुत्तबंभचारिणीओ नो खलु कप्पइ अम्हं एयमट्ठं कण्णेहिं वि निसामेत्तए, किमंग पुण उवदंसित्तए वा समायरित्तए वा ? अम्हे णं देवाणुप्पिए! पुणं तव विचित्तं केवलिपन्नत्तं धम्मं परिकहेमो, तए णं सा सुभद्धा सत्थवाही तासिं अज्जाणं अंतिए धम्मं सोच्चा निसम्म

हृदुतुडा ताओ अज्जाओ तिक्खुत्तो वंदइ नमंसंति नमंसित्ता एवं वयासी- सद्धहामि णं अज्जाओ! निग्गंथं पावयणं पत्तियामि रोएमि० णं अज्जाओ निग्गंथीओ! निग्गंथं पायवणं रोएमि० एवमेयं तहमेयं अवितहमेयं जाव से जहेयं तुब्भे वयह, इच्छामि णं अहं तुब्भं अंतिए सावगधम्मं पडिवज्जित्तए, अहासुहं देवाणुप्पिए! मा

अज्झयणं-४

पडिबंधं करेहि, तए णं सा सुभद्धा सत्थवाही तासिं अज्जाणं अंतिए सावगधम्मं पडिवज्जइ पडिवज्जित्ता ताओ अज्जाओ वंदइ जाव पडिविसज्जइ तए णं सा सुभद्धा सत्थवाही समणोवासिया जाया जाव विहरइ ।

तए णं तीसे सुभद्धाए समणोवासियाए अन्नया कयाइ पुव्वरत्तावरत्तकालसमयंसि कुडुंब जागरमाणीए जाव अयमेयारूवे जाव समुप्पज्जित्था- एवं खलु अहं भद्धेणं सत्थवाहेणं सद्धिं विउलाइं भोगभोगाइं जाव विहरामि नो चेव णं अहं दारगं वा दारियं वा पयामि, तं सेयं खलु ममं कल्लं जाव जलंते भद्धं सत्थवाहं आपुच्छित्ता सुव्वयाणं अज्जाणं अंतिए मुंडा भवित्ता अगाराओ अणगारियं पव्वइत्ताए, एवं संपेहेइ संपेहेत्ता कल्ले जेणेव भद्धे सत्थवाहे तेणेव उवागया करतल० जाव एवं वयासी एवं खलु अहं देवाणुप्पिया! तुब्भेहिं सद्धिं बहूइं वासाइं विउलाइं भोग जाव विहरामि, नो चेव णं दारगं वा दारियं वा पयामि, तं इच्छामि णं देवाणुप्पिया! तुब्भेहिं अब्भणुण्णाया समाणी सुव्वयाणं अज्जाणं जाव पव्वइत्तए,

तए णं से भद्धे सत्थवाहे सुभद्धं सत्थवाहिं एवं वयासी- मा णं तुमं देवाणुप्पिए! इयाणिं मुंडा जाव पव्वयाहि, भुंजाहिं ताव देवाणुप्पिए! मए सद्धिं विउलाइं भोगभोगाइं तओ पच्छा भुत्तभोई सुव्वयाणं अज्जाणं अंतिए० पव्वयाहिं, तए णं सुभद्धा समणोवासिया भद्धस्स एयमद्धं नो आढाइ नो परियाणइ दोच्चंपि तच्चंपि एवं वयासी- इच्छामि णं देवाणुप्पिया तुब्भेहिं अब्भणुण्णाया समाणी जाव पव्वइत्तए ।

तए णं से भद्धे सत्थवाहे जाहे नो संचाएइ बहूहिं आघवणाहिं य पन्नवणाहिं य सण्णवणाहिं य विण्णवणाहिं य आघवित्तए वा० जाव विण्णवित्तए वा ताहे अकामए चेव सुभद्धाए निक्खमणं अनुमन्नित्था, तए णं से भद्धे सत्थवाह विउलं असणं० उवक्खडावेइ मित्त नाइ० जाव आमंतेइ तओ पच्छा भोयणवेलाए जाव मित्त-नाइ० सक्कारेइ सम्माणेइ, सुभद्धं सत्थवाहिं ण्हायं जाव पायच्छित्तं सव्वालंकारविभूसियं पुरिससहस्सवाहिणिं सीयं दुरुहेइ, ततो सा सुभद्धा मित्त नाइ० जाव सद्धिं संपरिवुडा सव्विड्डीए जाव दुंदुहि-निग्घोसणाइयवरवेणं वाणारसीनयरीए मज्झमज्झेणं जेणेव सुव्वयाणं अज्जाणं उवस्सए तेणेव उवागच्छित्ता पुरिससहस्स-वाहिणिं सीयं ठवेइ, सुभद्धं सत्थवाहिं सीयाओ पच्चोरुहेइ,

तए णं भद्धे सत्थवाहे सुभद्धं सत्थवाहिं पुरओ काउं जेणेव सुव्वया अज्जा तेणेव उवागच्छइ सुव्वयाओ अज्जाओ वंदइ नमंसइ वंदित्ता नमंसित्ता एवं वयासी- एवं खलु देवाणुप्पिया! सुभद्धा सत्थवाही ममं भारिया इद्धा कंता जाव मा णं वाइया पित्तिया सिंभिया सन्निवाइया विविहा रोगायंका फुसंतु, एस णं देवाणुप्पिया! संसारभउव्विग्गा भीया जम्मणमरणाणं देवाणुप्पियाणं अंतिए मुंडा भवित्ता जाव पव्वयाइ, तं एयं णं अहं देवाणुप्पियाणं सीसिणिभिक्खं दलयामि, पडिच्छंतु णं देवाणुप्पिया! सीसिणिभिक्खं, अहासुहं देवाणुप्पिया! मा पडिबंधं करेह, तए णं सा सुभद्धा सत्थवाही सुव्वयाहिं अज्जाहिं एवं वुत्ता समाणी हृदुतुडा जाव सयमेव आभरणमल्लालंकारं ओमुयइ ओमुइत्ता सयमेव पंचमुट्ठियं लोयं करेइ करेत्ता जेणेव सुव्वयाओ अज्जाओ तेणेव उवागच्छइ उवागच्छित्ता सुव्वयाओ अज्जाओ तिक्खुत्तो आयाहिण-पयाहिणं० वंदइ नमंसइ वंदित्ता नमंसित्ता एवं वयासी- ।

आलित्ते णं अज्जा लोए पलित्तेणं अज्जा० जहा देवानंदा तहा पव्वइया जाव अज्जा जाया इरियासमिया जाव गुत्तबंधयारिणी तए णं सा सुभद्धा अज्जा अन्नया कयाइ बहुजनस्स चेडरूवेसु मुच्छिया जाव अज्झोववण्णा अब्भंगणं च उव्वट्ठणं च फासुयपाणं च अलगत्तंग च कंकणाणि य अंजनं च वण्णगं च चुण्णगं च खेल्लगाणि य खज्जल्लगाणि य खीरं च पुप्फाणि य गवेसइ गवेसित्ता बहुजनस्स दारए य अज्झयणं-४

डिंभियाओ य अप्पेगइयाओ अब्भंगेइ जाव ण्हावेइ अप्पेगइयाणं पाए रयइ अप्पेगइयाणं ओट्टे रयइ अप्पेगइयाणं अच्छीणि अंजेइ अप्पेगइयाणं उसुए करेइ अप्पेगइयाणं तिलए करेइ अप्पेगइयाओ दिगिंदलइ करेइ अप्पेगइयाणं पंतियाओ करेइ अप्पेगइयाणं छिज्जाइं करेइ अप्पेगइया वण्णएणं समालभइ अप्पेगइया चुण्णएणं समालभइ अप्पेगइयाणं खेल्लणगाइं दलयइ अप्पेगइयाणं खज्जलगाइं दलयइ अप्पेगइयाओ खीरभोयणं भुंजावेइ अप्पेगइयाणं पुप्फाइं ओमुयइ अप्पेगइयाओ पाएसु ठवेइ अप्पेगइयाओ जंघासु ठवेइ एवं-ऊरुसु उच्छंगे कडीए पिट्ठीए पिट्ठे उरसि खंधे सीसे य करयलपुडेणं गहाय हलउलेमाणी-हलउलेमाणी आगायमाणी-आयायमाणी परिगायमाणी-परि-गायमाणी पुत्तपिवासं च धूयपिवासं च नत्तुयपिवासं च नत्तिपिवासं च पच्चणुभवमाणी विहरइ ।

तए णं तओ सुव्वयाओ अज्जाओ सुभद्धं अज्जं एवं वयासी-अम्हे णं देवाणुप्पिए! समणीओ निग्गंथीओ इरियासमियाओ जाव गुत्तबंधयारिणीओ नो खलु अम्हं कप्पइ धाइकम्मं करेत्तए, तुमं च णं देवाणुप्पिए बहुजनस्स चेडरूवेसु मुच्छिया जाव अज्झोववण्णा अब्भंगणं जाव नत्तुइपिवासं वा पच्चणुभवमाणी विहरसि, तं णं तुमं देवाणुप्पिए एयस्स ठाणस्स आलोएहि जाव पायच्छित्तं पडिवज्जाहि, तए णं सा सुभद्धा अज्जा सुव्वयाणं अज्जाणं एयमद्धं नो आढाइ नो परिजाणइ अणाढायमाणी अपरिजाणमाणी विहरइ, तए णं ताओ समणीओ निग्गंथीओ सुभद्धं अज्जं हीलेंति निंदंति खिंसंति गरहंति अभिक्खणं-अभिक्खिणं एयमद्धं निवारेंति ।

तए णं तीसे सुभद्धाए अज्जाए समणीहिं निग्गंथीहिं हीलिज्जमाणीए जाव अभिक्खणं-अभिक्खणं एयमद्धं निवारिज्जमाणीए अयमेयारूवे अज्झत्तीए जाव समुप्पज्जित्था जया णं अहं अगारवसं आवासामि तया णं अहं अप्पवसा, जप्पभिइं च णं अहं मुंडा भवित्ता अगाराओ अणगारियं पव्वइया तप्पभिइं च णं अहं परवसा, पुव्विं च ममं समणीओ निग्गंथीओ आढेंति परिजाणेंति, इयाणिं नो आढेंति नो परिजाणंति तं सेयं खलु मे कल्लं जाव जलंते सुव्वयाणं अज्जाणं अंतियाओ पडि-निक्खमित्ता पाडिएक्कं उवस्सयं उवसंपज्जित्ता णं विहरित्ते, एवं संपेहेइ संपेहेत्ता कल्लं जाव जलंते सुव्वयाणं अज्जाणं अंतियाओ पडिनिक्खमेत्ति, पडिनिक्खमित्ता पाडियक्कं उवस्सयं उवसंपज्जित्ता णं विहरइ, तए णं सा सुभद्धा अज्जा अज्जाहिं अणोहट्ठिया अनिवारिया सच्छंदमई बहुजनस्स चेडरूवेसु मुच्छिया जाव अब्भंगणं च जाव नत्तिपिवासं च पच्चणुभवमाणी विहरइ ।

तए णं सा सुभद्धा अज्जा पासत्था पासत्थविहारी ओसण्णा ओसण्णविहारी कुसीला कुसीलविहारी संसत्ता संसत्तविहारी अहाछंदा अहाछंदविहारी बहूइं वासाइं सामण्णपरियागं पाउणइ पाउणित्ता अद्धमासियाए संलेहणाए अत्ताणं झोसेत्ता तीसं भत्ताइं अणसणाए छेदेत्ता तस्स ठाणस्स अनालोइय अपडिक्कंता कालमासे कालं किच्चा सोहम्मे कप्पे बहुपुत्तियाविमाणे उववायसभाए देवसयणिज्जंसि देवदू-संतरिया अंगुलस्स असंखेज्जइ भागमेत्ताए ओगाहणाए बहुपुत्तियदेवित्ताए

उववन्ना, तए णं सा बहुपुत्तिया देवी अहुणोववण्णमेत्ता समाणी पंचविहए पज्जत्तीए जाव भासमण-पज्जत्तीए पज्जत्तभावं गया ।

एवं खलु गोयमा! बहुपुत्तियाए देवीए सा दिव्वा देविइढी जाव अभिसमण्णागए, से केणद्वेणं भंते! एवं वुच्चइ बहुपुत्तिया देवी बहुपुत्तिया देवी ? गोयमा! बहुपुत्तिया णं देवी जाहे-जाहे सक्कस्स देविंदस्स देवरण्णो उवत्थाणियं करेइ ताहे-ताहे बहवे दारए य दारियाओ य डिंभए य डिंभियाओ य विउव्वइ विउव्वित्ता जेणेव सक्के देविंदे देवराया तेणेव उवागच्छइ उवागच्छित्ता सक्कस्स देविंदस्स अज्झयणं-४

देवरण्णो दिव्वं देविइढिं दिव्वं देवज्जुइं दिव्वं देवानुभावं उवदंसेइ, से तेणद्वेणं गोयमा! एवं वुच्चइ बहुपुत्तिया देवी बहुपुत्तिया देवी ।

बहुपुत्तियाए णं भंते! देवीणं केवइयं काल ठिती प० ? गोयमा! चत्तारि पलिओवमाइं ठिई पन्नत्ता, बहुपुत्तिया णं भंते! देवी ताओ देवलोगाओ आउक्खएणं भवक्खएणं ठिइक्खएणं अनंतरं चयं चइत्ता कहिं गच्छिहिइ कहिं उववज्जिहिइ ? गोयमा! इहेव जंबुदीवे दीवे भारहे वासे विंझगिरिपायमूले विभेल-सन्निवेसे माहण-कुलंसि दारियत्ताए पच्चायाहिइ ।

तए णं तीसे दारियाए अम्मापियरो एक्कारसमे दिवसे वीइक्कंते निवत्ते असुइजाकम्मकरणे संपत्ते बारसाहे दिवसे अयमेयारूवं नामधेज्जं करंति-होउ णं अम्हं इमीसे दारियाए नामधेज्जं सोमा, तए णं सा सोमा उम्मुक्कबालभावा विण्णय-परिणयमेत्ता जोव्वणगमणुप्पत्ता रूवेण य जोव्वणेण य लावण्णेण य उक्किट्ठा उक्किट्ठसरीरा जाव भविस्सइ, तए णं तं सोमं दारियं अम्मापियरो उम्मुक्कबालभावं विण्णय-परिणयमेत्तं जोव्वणगमणुप्पत्तं पडिरूविणं सुक्केणं पडिरूविणं य विनएणं नियगस्स भाइणेज्जस्स रट्ठकूडस्स भारियत्ताए दलइस्संति, सा णं भारिया भविस्सइ इट्ठा कंता जाव भंडकरंडगसमाणा तेल्लकेला इव सुसंगोविया चेलपेला इव सुसंपरिगहिया रयणकरंडगो विव सुसारक्खिया सुसंगोविया मा णं सीयं जाव विविहा रोयायंका फुसंतु, तए णं सा सोमा माहणी रट्ठकूडेणं सद्धिं विउलाइं भोगभोगाइं भुंजमाणी संवच्छरे-संवच्छरे जुयलगं पयायमाणी सोलसेहिं संवच्छरेहिं बत्तीसं दारगरूवे पयाहिइ ।

तए णं सा सोमा माहणी तेहिं बहूहिं दारगेहि य दारियाहि य कुमारएहि य कुमारियाहि य डिंभएहि य डिंभियाहि य अप्पेगइएहिं उत्ताणसेज्जएहिं अप्पेगइएहिं थणपाएहिं अप्पेगइएहिं पीइग-पाएहिं अप्पेगइएहिं परंगणएहिं अप्पेगइएहिं परक्कममाणेहिं अप्पेगइएहिं पक्खेलणेहिं अप्पेगइएहिं थणं मग्गमाणेहिं अप्पेगइएहिं खीरं मग्गमाणेहिं अप्पेगइएहिं तेल्लं मग्गमाणेहिं अप्पेगइएहिं खेल्लणयं मग्गमाणेहिं अप्पेगइएहिं खज्जगं मग्गमाणेहिं अप्पेगइएहिं खिल्लणयं अप्पेगइएहिं कूरं मग्गमाणेहिं अप्पेगइएहिं पाणियं मग्गमाणेहिं अप्पेगइएहिं हसमाणेहिं अप्पेगइएहिं मग्गमाणेहिं हणमाणेहिं अप्पेगइएहिं हम्ममाणेहिं अप्पेगइएहिं विप्पलायमाणेहिं अप्पेगइएहिं अणुगम्ममाणेहिं अप्पेगइएहिं अप्पेगइएहिं रोयमाणेहिं अप्पेगइएहिं कंदमाणेहिं अप्पेगइएहिं विलवमाणेहिं अप्पेगइएहिं कूवमाणेहिं मग्गमाणेहिं अप्पेगइएहिं उक्कुवमाणेहिं अप्पेगइएहिं निदायमाणेहिं अप्पेगइएहिं पयलायवमाणेहिं अप्पेगइएहिं हदमाणेहिं अप्पेगइएहिं वममाणेहिं अप्पेगइएहिं छेरमाणेहिं अप्पेगइएहिं मुत्तमाणेहिं मुत्त-पुरिस-वमिय-सुलित्तोवलित्ता मइलवसणपोच्चडा जाव असुइविभच्छा परमदुग्गंधा नो संचाएहिइ रट्ठकूडेणं सद्धिं विउलाइं भोगभोगाइं भुंजमाणी विहरित्तए,

तए णं तीसे सोमाए माहणीए अन्नया कयाइ पुव्वरत्तावरत्तकालसमयंसि कुडुंबजागरियं जागरमाणीए अयमेयारूवे जाव समुप्पज्जित्था- एवं खलु अहं इमेहिं बहूहिं दारगेहिं य जाव डिंभियाहि य अप्पेगइएहिं उत्ताणसेज्जएहिं जाव अप्पेगइएहिं मुत्तमाणेहिं दुज्जाएहिं दुज्जम्मएहिं हयविप्पहयभग्गेहिं एगप्पहारपडिएहिं जेणं मुत्त-पुरीस-वमिय-सुलित्तोवलित्ता जाव परमदुग्गंधा नो संचाएमि रट्ठकूडेणं सद्धिं जाव भुंजमाणी विहरित्तए, तं धन्नाओ णं ताओ अम्मयाओ जाव जीवियफले जाओ णं वंझाओ अविया-उरियाओ जानुकोप्परमायाओ सुरभिसुगंधगंधियाओ विउलाइं माणुस्सगाइं भोगभोगाइं भुंजमाणीओ विहरंति, अहं णं अधन्ना अपुण्णा अफयपुण्णा नो संचाएमि रट्ठकूडेण सद्धिं विउलाइं जाव विहरित्तए ।

अज्झयणं-४

तेणं कालेणं । तेणं समएणं सुव्वयाओ नाम अज्जाओ ईरियासमियाओ जाव बहुपरिवाराओ पुव्वाणुपुव्विं चरमाणीओ जेणेव बिभेले सन्निवेसे उवागच्छंति उवागच्छित्ता अहापडिरूवं ओग्गहं जाव विहरंति तए णं तासिं सुव्वयाणं अज्जाणं एगे संचाडए बिभेले सन्निवेसे उच्च-नीय-जाव अडमाणे रट्ठकूडस्स गिहं अनुपविट्ठे, तए णं सा सोमा माहणी ताओ अज्जाओ एज्जमाणीओ पासइ पासित्ता हट्ठा० खिप्पामेव आसनाओ अब्भुट्ठेइ अब्भुट्ठित्ता सत्तट्ठ पयाइं अनुगच्छइ अनुगच्छित्ता वंदइ नमंसइ वंदित्ता नमंसित्ता विउलेणं असणं जाव पडिलाभेत्ता एवं वयासी- एवं खलु अहं अज्जाओ! रट्ठकूडेणं सद्धिं० सोलसहिं संवच्छरेहिं बत्तीसं दारगरूवे पयाया तए णं अहं तेहिं बहूहिं दारएहि य जाव डिंभियाहि य अप्पेगइएहिं उत्ताणसेज्जएहि जाव मुत्तमाणेहिं दुज्जाएहिं जाव नो संचाएमि विहरित्तए, तं इच्छामि णं अहं अज्जाओ! तुम्हं अंतिए धम्मं निसामेत्तए,

तते णं ताओ अज्जाओ सोमाए माहणीए विचित्तं केवविपन्नत्तं धम्मं परिकर्हेति तए णं सा सोमा माहणी तासिं अज्जाणं अंतिए धम्मं सोच्चा निसम्म हट्ठ जाव हियया ताओ अज्जाओ वंदइ- नमंसइ नमंसित्ता एवं वयासी-सद्धहामि णं अज्जाओ! निग्गंथं पावयणं जाव अब्भुट्ठेमि णं अज्जाओ निग्गंथं पावयणं एवमेयं अज्जाओ! जाव से जहेयं तुब्भे वयह जं नवरं अज्जाओ! रट्ठकूडं आपुच्छामि तए णं अहं देवाणुप्पियाणं अंतिए मुंड० जाव पव्वयामि, अहासुहं देवाणुप्पिए! मा पडिबंध्यं ।

तए णं सा सोमा माहणी ताओ अज्जाओ वंदइ जाव पडिविसज्जेइ, तए णं सा सोमा माहणी जेणेव रट्ठकूडे तेणेव उवागया करतल जाव एवं वयासी एवं खलु मए देवाणुप्पिया! अज्जाणं अंतिए धम्मं निसंते से ऽवि य णं धम्मं इच्छिए पडिच्छिए जाव अभिरुईए, तए णं अहं इच्छामि देवाणुप्पिया! तुब्भेहिं अब्भणुण्णाया सुव्वयाणं अज्जाणं अंतिए० जाव पव्वइत्तए, तए णं से रट्ठकूडे सोमं माहणिं एवं वयासी- मा णं तुमं देवाणुप्पिए! इयाणिं मुंडा भवित्ता० पव्वयाहि भुंजाहि ताव देवाणुप्पिए! मए सद्धिं विउलाइं भोगभोगाइं, तओ पच्छा भुत्तभोई सुव्वयाणं अज्जाणं अंतिए० पव्वयाहि ।

तए णं सा सोमा माहणी रट्ठकूडस्स एयमट्ठं पडिसुणेइ तए णं सा सोमा माहणी ण्हाया जाव अप्पमहग्गधाभरणालंकियसरीरा चेडियाचक्कवालपरिकिण्णा साओ गिहाओ पडिनिक्खमइ पडिनिक्खमित्ता बिभेलं सन्निवेसं मज्झमज्झेणं जेणेव सुव्वयाणं अज्जाणं उवस्सए तेणेव उवागच्छइ उवागच्छित्ता सुव्वयाओ अज्जाओ वंदइ नमंसइ वदित्ता नमंसित्ता पज्जुवासइ, तए णं ताओ सुव्वयाओ अज्जाओ सोमाए माहणीए विचित्तं केवलिपन्नत्तं धम्मं परिकर्हेति जहा जीवा बज्झंति जहा जीवा मुच्चंति० तए णं सा सोमा माहणी सुव्वयाणं अज्जाणं अंतिए दुवालसविहं सावगधम्मं पडिवज्जइ पडिवज्जित्ता सुव्वयाओ

अज्जाओ वंदइ जाव नमंसित्ता जामेव दिसिं पाउब्भूया तामेव दिसिं पडिगया, तए णं सा सोमा माहणी समणोवासिया जाया- भिगयजीवाजीवा जाव अप्पाणं भावेमाणी विहरइ ।

तए णं ताओ सुव्वयाओ अज्जाओ अन्नया कयाइ बिभेलाओ सन्निवेसाओ पडिनिक्खमंति, पडिनिक्खमित्ता बहिया जनवयविहारं विहरंति तए णं ताओ सुव्वयाओ अज्जाओ अन्नया कयाइ पुव्वाणु-पुव्विं चरमाणीओ जाव विहरंति, तए णं सा सोमा माहणी इमीसे कहाए लद्धट्ठा समाणी हट्ठा० ण्हाया तहेव निग्गया जाव वंदइ नमंसइ वंदित्ता नमंसित्ता धम्मं सोच्चा जाव नवरं-रट्ठकूडं आपुच्छामि तए णं पव्वयामि, अहासुहं० तए णं सा सोमा माहणी सुव्वयाओ अज्जाओ वंदइ नमंसइ वंदित्ता नमंसित्ता सुव्वयाणं अंतियाओ पडिनिक्खमइ पडिनिक्खमित्ता जेणेव सए गिहे जेणेव रट्ठकूडे तेणेव उवागच्छइ अज्झयणं-४

उवागच्छित्ता करयलपरिग्गहिया तहेव आपुच्छइ जाव पव्वइत्तए, अहासुहं देवाणुप्पिए! मा पडिबंधं० ते णं से रट्ठकूडे विउलं असनं तहेव जहा पुव्वभवे सुभट्ठा जाव अज्जा जाया- इरियासमिया जाव गुत्तबंभयारिणी ।

तए णं सा सोमा अज्जा सुव्वयाणं अज्जाणं अंतिए सामाइयमाइयाइं एक्कारस अंगाइं अहिज्जइ अहिज्जित्ता बहूहिं चउत्थ-छट्ठद्वम-दसम-दुवालसेहिं जाव भावेमाणी बहूइं वासाइं सामण्णपरियागं पाउणइ पाउणित्ता मासियाए संलेहणाए अत्ताणं झोसेत्ता सट्ठि भत्ताइं अणसणाए छेइत्ता आलोइय-पडिक्कंता समाहिपत्ता कालमासे कालं किच्चा सक्कस्स देविंदस्स देवरण्णो सामाणियदेवत्ताए उववज्जिहिइ, तत्थ णं अत्थेगइयाणं देवाणं दो सागरोवमाइं ठिई पन्नत्ता, तत्थ णं सोमस्सवि देवस्स दो सागरोवमाइं ठिई पन्नत्ता से णं भंते! सोमे देवे ताओ देवलोगाओ आउक्खएणं भवक्खएणं ठिइक्खएणं चयं चइत्ता कहिं गच्छिहिइ कहिं उववज्जिहिइ ? गोयमा! महाविदेहे वासे जाव अंतं काहिइ । एवं खलु जंबू समणेणं भगवया महावीरेणं जाव संपत्तेणं पुप्फियाणं चउत्थस्स अज्झयणस्स अयमट्ठे पन्नत्ते त्ति बेमि ।

० पंचम अज्झयणं- पुन्नभट्ठे ०

[९] जइ णं भंते! समणेणं भगवया महावीरेणं उक्खेवओ० एवं खलु जंबू! तेणं कालेणं तेणं समएणं रायगिहे नामं नयरे, गुणसिए चेइए, सेणिए राया, सामी समोसरिए, परिसा निग्गया, तेणं कालेणं तेणं समएणं पुन्नभट्ठे देवे सोहम्मो कप्पे पुन्नभट्ठे विमाणे सभाए सुहम्मो पुन्नभट्ठंसी सीहासणंसी चउहिं सामाणियसाहस्सीहिं जहा सूरियाभे जाव बत्तीसइविहं नट्ठविहिं उवदंसित्ता जाव जामेव दिसिं पाउब्भूए तामेव दिसिं पडिगए, कूडागारसाला० पुव्वभवपुच्छा,

एवं खलु गोयमा! तेणं कालेणं तेणं समएणं इहेव जंबुद्धीवे दीवे भारहे वासे मणिवइया नामं नयरी होत्था रिद्ध-त्थिमिय-समिद्धा, चंदोतारायणे चेइए, तत्थ णं मणिवइयाए नयरीए पुन्नभट्ठे नामं गाहावई परिवसई अट्ठे० तेणं कालेणं तेणं समएणं थेरा भगवंतो जाइसंपन्ना जाव जीवियास-मरणभय-विप्पमुक्का बहुस्सुया बहुपरियारा पुव्वाणुपुव्विं चरमाणा जाव समोसट्ठा, परिसा निग्गया, तए णं से पुन्नभट्ठे गाहावई इमीसे कहाए लद्धट्ठे समाणे हट्ठतुट्ठे जाव जहा पन्नत्तीए गंगदते तहेव निग्गच्छइ जाव निक्खंतो जाव गुत्तबंभयारी,

तए णं से पुन्नभद्दे अनगारे तहारूवाणं थेराणं भगवंताणं अंतिए सामाइयमाइयाइं एक्कारस अंगाइं अहिज्जइ अहिज्जित्ता बहूहिं चउत्थ-छट्ठम-दसम-दुवालसेहिं जाव भावित्ता बहूइं वासाइं सामण्णपरियागं पाउणइ पाउणित्ता मासियाए संलेहणाए अप्पाणं झोसेत्ता सट्ठिं भत्ताइं अणसणाए छेदित्ता आलोइय-पडिक्कंते समाहिपत्ते कालमासे कालं किच्चा सोहम्मे कप्पे पुन्नभद्दे विमाणे उववायसभाए देवसयणिज्जंसि जाव भासमणपज्जत्तीए पज्जत्तभावं गए, एवं खलु गोयमा! पुन्नभद्दे देवेणं सा दिव्वा देविड्ढी जाव अभिसमण्णागया...

पुन्नभद्दस्स देवस्स केवइयं कालं ठिई पन्नत्ता ? गो०! दो सागरोवमाइं ठिई पन्नत्ता, पुन्नभद्दे देवे ताओ देवलोगाओ जाव कहिं गच्छिहिति० ? गो०! महाविदेहे वासे सिज्झिहिइ जाव अंतं काहिइ, एवं खलु जंबू! समणेणं भगवया महावीरेणं जाव संपत्तेणं निक्खेवओ० त्ति बेमि ।

अज्झयणं-६

० छट्ठं अज्झयणं- माणिभद्दे ०

[१०] जइ णं भंते! समणेणं भगवया महावीरेणं जाव संपत्तेणं उक्खेवओ० तेणं कालेणं तेणं समएणं रायगिहे नयरे, गुणसिलए चेइए, सेणिए राया, सामी समोसरिए, तेणं कालेणं तेणं समएणं माणिभद्दे देवे सभाए सुहम्माए माणिभद्दंसि सीहासणंसि चउहिं सामाणियसाहस्सीहिं जहा पुन्नभद्दो तहेव आगमनं नट्टविही, पुव्वभवपुच्छा, मणिवई नयरी माणिभद्दे गाहावई, थेराणं अंतिए पव्वज्जा, एक्कारस अंगाइं अहिज्जइ बहूइं वासाइं परियाओ मासिया संलेहणा सट्ठिं भत्ताइं० माणिभद्दे विमाणे देवत्ताओ उववाओ, दो सागरोवमाइं ठिई महाविदेहे वासे सिज्झिहिइ० एवं खलु जंबू! निक्खेवओ ।

० ७-१० - अज्झयणाणि ०

[११] एवं दत्ते सिवे बले अणाढिए सव्वे जहा पुन्नभद्दे देवे, सव्वेसिं दो सागरोवमाइं ठिई, विमाणा देवसरिनामा, पुव्वभवे दत्ते चंदनानामाए सिवे मिहिलाए बले हत्थिणपुरे नयरे अणाढिए काकंदीए चेइयाइं-जहा संगहणीए ।

मुनि दीपरत्नसागरेण संशोधिताः सम्पादिताश्च “पुष्फियाणं उवंगसुत्तं” सम्मत्तं

२१

“पुष्फियाणं” दसमं उवंगसुत्तं सम्मत्तं